

# SAN JUDAS CUEGABE

## La Carta del Apóstol San Judas Judas Juzíñamui uáidoganomo cuete

<sup>1</sup> Jesucristo táijitagamie Júdadícue. Santiago ámadícue. Bibe Juzíñamui mamécánomo cueticue. Ua cai Moo Juzíñamui uáidoganodiomoí, íeiena ñue finoda maiñócanomo omoi íllena. Jesucrístomo omoi jaináinamona ñue eneno rairuñcanodiomoí. <sup>2</sup> Mei Juzíñamui jamánomo aillo caímo íe dúecaíllafue, íemo jíái ñue uái omoi íllífue, íemo jíái ñue ízíruíllafue, dígafue ómoímo llóíteza.

### Táínofuíaína llófuefiredino

*(2 Pedro 2.1-7)*

<sup>3</sup> Izíruiga ámatiai, cai comeci jíllloíllífuedo izire ómoímo cúeiacadícue; mei afe jíllloíllena Juzíñamuimo cue ínuua izóí, afe izóí íere ínotíomoíza. Mei íadí ómoína jíáífuedo rabedo llóredícue. Táínofuiai lluaíbitino omoi jeire ogáfueña féitaiacadiaízoíza; íe jira izire ómoína daidícue: Ríire abí omoi mameri. Íaíoi díga fuírilla izóí omoi íri, omoi ínogafue íaíoi féitañeílleza. Afefue nauí nana Juzíñamuimo jaináídínomo dácaíño iga. <sup>4</sup> Mei omoi cígimo ninena dámíerie táínofue lluaíbitiaíoi. Afémacína Juzíñamui Cuegáuailai jaíai úcodo íaíoi olle duere finóllífueña lloíte. Afémací íáíbaniaí. Afe ííñiaí daíde: “Juzíñamui ñúefueña jeire óíticaí;” mei íadí afe dáínado rairuíñeno fíénidífueña íere nícidotiaíoi. Afémací daíde cai Naama Juzíñamuína ruíffruítaíoi. Daje izóí cai Ocuíraíma Jesucristo llogáuaina uáítatiaíoi.

<sup>5</sup> Mei ja onódiomoí íadí, como cue daífacanafueño ómoína uibíotaacadícue. Juzíñamui Israel comínina Egipto éniemona oni orede. Oni uano daí nana íaíoína ñue jíllotate. Mei íadí, íaíoi cígímona dáarie íñoñena jírrari, Juzíñamui afe íñoñedínona jíáíruido niné táínocaitate.

<sup>6</sup>Afe izói Juzíñamui abi imácimona dáarie Juzíñamui anamo ñue íaioi illáfueña fáicanocaiacadaíaoi. Afe mei dani íaioi illánona fáicanocaillano oni jíainomo jáidiaioi. Ie jira Juzíñamui íaioina ico izire íiraicaíño iere jícanolliruimo íaioina maitá jae íbaica. Afémaci jae jítinomo iere zábiñede llójejina maigáiaioi.

<sup>7</sup>Daje izói Juzíñamui Sodoma jofue íemo Gomorra jofue díga bóotate, naa afe áinori ite jófueniari. Mei afécuai comini Juzíñamui abi imácimona fiénina jira dáarie llavécamací izóidiaioi. Afe bimaci jamánomo dani jofo conímari ébecotaifirediaioi. Naga Juzíñamui comínimo mameca ñue illáfueña jiruíreillena uáitafirediaioi. Daí íaioi íllamona ziiño iraimo duere finócaiaioi. Afe bifue, afémaci izói cai íñeillena, caimo cíotaga.

<sup>8</sup>Afe emódomo bie taino lluaíbitino íaioi táinomo coméciillafuiaido dani íaioi abina bácadiaioi. Daje llezica cai Ocuíraima rínona uáitatiaioi. Caifo monamo ite jóriai izoide rínoredinona íaire dáíifirediaioi. <sup>9</sup>Mei íadi Juzíñamui abi imácimona illaíma Miguel, Taífe díga fuírízaiilla llezica ñúefodo úrite. Tíide Moisés abina júfidotiaillinoi. “¿Buna náamareite?” daídífaillinoi. Aféruimo Miguel íairede uaido íena faidóñede, mei íadi ía íena daide: “Ocuíraima Juzíñamui ona izire llétaíteza,” daide. <sup>10</sup>Mei bie táinodo llotínuiaí íaioi ónoñega ráfuedo fiéni úritiaioi. Mei íadi comécina onóñede rílleníai izói itíaoi. Fia íaioi abi jítaina ráfueño comécioidiaioi. Daí coméciillano áfeodo jáillamona dani íaioi niné táinocaitalliaioi.

<sup>11</sup>Ínií íaioina dúerena! Caín dibéfuedo jáidiaioi. Aillo úcube óiacanamona Balaam izói oni íaífuemo baíízaidiaioi. Daje izói íaiaí ite Corena mámeçiredímie, Moisés dotáacanamona niné táinocaíte naa íemo jaináidinori. Afe izói birui omoi cígiri ite fiénidífuiaí llotino llícaítiaioi. <sup>12</sup>Omoi finoca conímána izíruilla ráfuiaí cígiri meáire finódinona itíaoi. Juzíñamuina jacíruíñeno omoi cígiri caimare güillano jífáizaíbitiaioi. Jááímacina ñue úíñoñeno dani íaioi abi úíñoíaoi. Jairifo oni niné ñaitaca mona úíllie izóidiaioi. Ríaniaimona daana llizíllaruimo dúcide íadi llizíñede zena izóidiaioi. Afe izói bie comini itíaoi. Afe amena are llizíñenia dúilla llezica aiñoda dotácaza. (Daje izói bimaci ráífiñenamona táinocaitiaioi.) <sup>13</sup>Monáíllai jacire bagua izói itíaoi. Íaioímo ite meáire fiénidífuiaí bagua mulle izói, comini eróicana jino cíotafirediaioi. Daje izói úcuai íaioi íomona oni jíáíomo féiraiilla izói itíaoi. Jamánomo jíírede jítinomo ziiñona íllena riire mamécaiaioi, dínomo duere zefuíllena.

<sup>14</sup>Ua bimáciri jaiáidígima Enoc úrite. Adán jíto dínomona íe jíto, dínomona nane íe jíto, siete dígafue daí illa emódomo, bie Enoc mámeçiredímie jocoina. Afémie bie taino llófuetínodo uícodo úrite. Juzíñamui Joréñodo úrillano daide: “Cai Ocuíraima jamánomo aillo

ie abi náirairi bíllana ciódicue. <sup>15</sup>Afémie nana fiénide comínimo ite fiénidifuiyai iere riire jicánuaibite. Daje izói nana íaioi íaire illáfuiyai iere jicánuaño duere íaioina finótaite. Fiénidino riire daináuaido cai Ocuíraimana uáitaoidiaioi; bífueмона daje izói duere zéfuitalliaioi.” Daií Enoc bie fiénidimacido úrite. <sup>16</sup>Afémaci iere fieni cáillírediaioi; ñue caimátaiñediaioi. Dani íaioi comeci fieni jitáinafuiyai jino denólledo úritiaioi. Urillano aféfuaiaina uáfuena finódiaioi. Dani abi íaioi íinua uáillaído ficire úritiaioi, “Aillo jácimacidicai ,”daiíllena. Daje izói caimare comínimo úritiaioi, íaioina bífuellena.

### **Crístomo ínotino ñue llea uallai**

<sup>17</sup>Cue izíruiga ámatiai, cai Ocuíraima Jesucristo orécamaci ómoina daináfuemo omoi coméciiri. <sup>18</sup>Afémaci ómoina daide: “Íco íirairuillaído ñúefuiaina zánoitinona íteza. Íaioi comeci íaire óiacanafuiaido íitiaioiza.” <sup>19</sup>Bimaci dáonomo ñue itínomona oni eneno bózietaidiaioi. Dani íaioi abi óiacanafue jeire otíai. Mei afémaci Juzíñamui Joreño úicaiñegaiaioiza.

<sup>20</sup>Mei íadi izíruiga ámatiai, omoi jeire Juzíñamuimona ogáfuemo riire omoi jaináicairi. Daje izói Ñuera Joreño ríinodo Juzíñamuimo omoi úrifíreiri. <sup>21</sup>Juzíñamui omoi izíruillafue dibéfuemo omoi iri. Cai Ocuíraima Jesucristo caimo dúecaillano zíñona cai illfruímo omoi úiñoiri.

<sup>22</sup>Nai jabóicana jizire ínotinona jaícina llóiri, ñúefuena jeire íaioi ólleza. <sup>23</sup>Íraímona bairoca izói íaioina jíllotari. Jiáímacimo omoi dúecairi; mei íadi íaioimo ite íaifuemo jíricaiñeno omoi iri. Afe fiénidifue íáirede iniroi izoide. Íaioi abimo jíídeza; áfemona iere abí omoi rairuiri.

### **Juzíñamuimo íiraicaiño cai caimátaillafue**

<sup>24,25</sup>Cai daade Juzíñamui jamánomo nágafuiyai baitádimie. Afémie Jesucristodo cai Jíllotaraíma. Iemona cai fiénidifueмо báiiñelle rairuilla ríino íemo ite. Daje izói afémie caína íaifuenino caimare dama ie ebírede uíécomo caína izájirede. Afe Juzíñamuimo ebire ñúefuiyai íteza. Jamánomo ñuera ébifue íemo íteza. Daje izói nana ñuera ríino íemo íteza. Daje izói nana riire ocuállafuiyai íemo íteza. Nana bífuaiaina cai Ocuíraima Jesucristodo nauí, íemo biruí, íemo jíái uire daií jaca ñinomo, Juzíñamuimo dúicaíteza. Mai. Jae ñie.